

東光縣志



級錦水白為璣謹識并書



序六



東光縣舊志序



東光卽古東光侯國前明有志至末季而書三易焉
蓋志識也所以鑒今而徵後也人材有盛衰風俗有
淳漓戶賦有登耗物產有消長山原川澤有改移通
塞率數十年而一變變而不時識之散帙遺亡蔑以
徵矣故聖人之於文也知我罪我其惟春秋文獻不
足致慨杞宋焉余庚戌來令茲土值

皇上誕敷文教實錄告成玉堂之締纂賞賚有差復以
一代掌故不取天下之疆域物產而一覽周知亦闕

東光縣志

王序

典也乃

命輔臣請令各省郡邑咸修志上之然我

朝混一宇內垂三十年其時事之治亂生齒之盈虛鴻
聲駿業潛德幽貞旣乏北海碑銘又鮮西京雜記捧
檄操觚惴惴滋懼矣遂詢諸學博宋君因悉其弟子
馬生輩淵雅士也延置學舍取舊志而裒輯之曰志
猶夫史學以昭事事以布文褒貶旣著臧否以之例
準其昔彰前軌也事搜其逸詳考鏡也收紀其蹟垂
後憲也論引其端戒先事也厥詞嘉核厥義務正酌

古而繩今網與而目張詳哉乃可稱信史矣越月書
成余與宋君親爲校訂其覈事顯義緒理要會邑乘
雖小蓋亦粲然明備焉正諸紳士僉曰都哉爰付削
刷以俟後賢匪敢曰琴改新絃變左氏之編年亦惟
是畫依舊樣踵史公之紀傳云爾

康熙癸丑菊月上浣吉日

賜進士出身知東光縣事西京王九鼎書於琴趣軒

東光縣舊志序

郡邑有志其來尚矣粵自黃帝畫野分州帝嚳創制九州堯遭洪水使禹平治水土更制九州列五服而禹貢作焉歷至周有職方漢有輿地圖唐宋而下志地理紀方輿者數百家故後世郡邑之志漸以詳備敝邑古爲東光侯國歷春秋漢魏而下或改爲縣爲州爲郡爲軍沿革不一迨至我朝復爲東光縣余少游邑庠上司巡歷敝邑間有索觀志書者邑令於縣庫中取志一冊送覽畢余亦因得借覽其紙不過十

東光縣志

廖序

三

餘張所書不過二十餘事初不知何人編次事無統紀言亦鄙俚甚不足觀及登進士得河間總志而東光志附焉其廢置沿革以及城池公署名宦人物藝文等類雖有可觀然又失之簡畧旣而官吏部考功公暇披覽載籍事有關於縣志者甚多每欲創志因循不果垂三十餘年誠闕典也同郡任丘鄜上舍廷佩以博學著聞郡太守常君託修河間府縣總志若干卷余往觀之比之前志固詳以東光志論之亦有遺恨因懇修邑志月餘志成過余謂曰昔修總志歷

考載籍越數歲方成凡東光古今事蹟自許志已備
載及聞先生命再加搜索始知多所缺漏但迫於先
生南行不及詳訂敬奉荒稿冗復舛訛者願爲校正
余拜受之收諸篋笥至南都復屬文選方郎中時舉
嚴加校讐方亦博物洽聞士也正其舛訛刪其冗復
於人物則叙其世次於藝文則別其名類分爲六卷
每篇虛其下方以便增入繕寫旣完謂余不可無言
故歷序作志之由附諸末簡告吾邑人後之有志者
尚冀隨時續修傳示無極與邑壤並存可也正德十

東光縣志

廖序

四

六年歲次辛巳菊月之吉邑人廖紀書

東光縣舊志序

古者列國各有史誌蓋其流派云國家一統誌外郡
邑之書幾於山積寧直藻績是飾而羅古摭今昭往
訓來殆亦恢恢鉅典乎東光僻在瀛海東南良弼承
乏於茲卽訪治問俗求所謂往規而因之乃邑誌則
泯泯無傳矣詢之太史王公檢篋中得一舊本相示
是正德辛巳歲所訂者因撫卷嘆曰來之視今猶今
之視往也微太史公存此遺編則往事不幾湮滅與
而來者將何考也矧誌久時殊義多未協卽以其事

東光縣志

序

五

屬公公負良史才亦不辭躬事編摩更寒暑而稿成
顧錄未竟公遂以修文去嗚呼胡天不憖遺良史而
俾此編不速就乎於是復付公門人劉耿光輯錄成
書雖事詞具備而欸目義例尚未確也良弼視事之
暇仍考覈裁訂之條分縷析證以時事越數月而誌
始成覆按其中分野著而天道明疆域定而地宜辨
建置則廢興之故昭若列眉貢賦則出納之數洞若
觀火以至紀人物則偉人高士輝映後先者皆型範
也錄詞翰則宏詞麗句照耀今昔者皆宗匠也觀是

誌者一披卷而往蹟具在目中矣又何敢自謂誌之
成足以昭往而訓來哉第一邑鉅典淪沒既久今續
其舊而更新之傳信傳疑庶幾乎古史闕文遺意耳
茲役也草創于王公輯錄于劉生而簿僚申君承禮
嘗協力稽采學博越君應甲及郭君達孫君詔咸相
與校正太史之能也諸君子之勞也良弼何力之
有焉若夫慮始考成亦旣殫于厥心役竣爰捐俸錢
梓用畢愚志尚冀後來者攄事筆削以補其不逮則
厚幸矣萬曆甲辰孟秋吉日東光縣知縣佘良弼謹

東光縣舊志序

邑有志乃前令奈公之所輯也迄今垂三十年所矣大都意主精嚴未免近畧不佞偉承乏茲土思彙而傳之於是徵文考獻得鄜公舊本於太僕公郭老公祖家藏讀之纒纒諸款畢備輾然曰繁簡之間折衷斯二者而已會偉簿書冗兼負弩南北郊無虛日困遍請教于先達縉紳孝廉諸公晉學博三先生暨博士弟子員共事鉛槧而宋先生之力居多焉偉時覽而點次捐俸付之殺青誌成矣可無一言弁端竊謂

東光縣志

邵序

七

東光去帝都未遠跨衛引津襟滄麗景固瀛海一奧區也微論茫茫坤維廣輿有記而家之譜邑之乘所從來矣疇是可艸艸從事矧夫翠巘分靈清流瀉潤山川疆域可一覽而盡其它貢賦裕國儲之計政教敷窮簷之膏梵宇琳宮境占幽勝名公鉅藻秀奪春葩人傑統地靈以發光天寶與物華而並毓縱至一草一木花卉之細凡爲邑之所有不得爲誌之所無分門別類演爲十卷卽不敢謂全無遺議亦庶幾叅攷之一借耳後之君子不無世代新故之感歎哀益

於其間也則是編具在矣崇禎八年乙亥仲秋申浣
之吉文林郎知東光縣事大梁邵建備書于退思公
署

東光縣志

凡例

一邑乘肇於明正德辛巳邑僖靖廖公再修於萬曆甲辰邑太史王公邑令邵公繼之奈公又繼之繁簡之間總未盡善我

朝萊庵王公取舊志而哀輯之較前稱善本焉茲志約以王公爲準

一建置沿革古今事蹟咸參考經史記傳諸書灼有可據者書之事涉可疑者不書

一城池官署不可缺者雖廢必載

東光縣志

凡例

九

一祠祀載諸祀典者春秋致祭悉書餘採舊志附錄

一戶口田賦國課攸關故登載獨詳

一前代官師行事直書大節無事實者惟書姓字仕籍我

朝官師據所睹聞畧著行事猶恐事涉愛憎仍俟論定

一選舉爲徵庸之自畢生事業於茲肇基故自爲一帙以便稽考

一忠孝節烈事實詳載本傳祇撮大節書之其無本傳可稽者惟書履歷又君子之論定故傳不及存者

一諸項文藝頗廣採其關風教者畧載一二無涉者以麗亦刪

一各類謬書序要亦達民隱塌葵忱也深有冀於觀者

東光縣志

全境圖

全境圖



東光縣志

縣城圖

十一



縣城圖

義渠

東北至鹽山
縣一百二十里

縣城

地主廟

東南至寧津
縣六十里


東關地方

北關地方



邑屬壇

察院




敬事所



石娘廟



養濟院




水頭市

井

神廟



廟



南壇

南至吳橋
七十里
德州

北至慶
早里通



火神廟



玉皇廟





東光縣志

學宮圖

學宮圖


三



東光縣志

學宮圖

西



堂

修業齋

書房

門

東廡

泮池

義門

先師殿

戟門

禮門

鄉賢祠

西廡

門役房

禮門

義門

三山

東光縣志總目

卷之一

建置

星野

禮祥

封界

卷之二

鄉里 一 二堡附

山川

河防

形勝

古蹟

橋梁

市集

東光縣志

總目

十五

卷之三

城池

武備

縣治

學校 義學川附

行署 惠政附

坊表

風俗 鄉約鄉飲附

祀典 生祠附 寺廟附

卷之四

戶口

田賦 鹽政附

方物

卷之五

封爵

知縣

縣丞

主簿

典史

教諭

訓導

卷之六

進士

武進士附

舉人

武舉將材廕補附

貢士

恩拔附

例監

掾吏

卷之七

東光縣志

總目

六

忠節

孝行

勲業

文學

隱逸

義行

貞烈

卷之八

誥勅

表

疏

記

文

詩

修志姓氏

東光縣知縣錦水白為璣 纂著

教諭寧晉馮 樾

參正

訓導潞河李河春

主簿三韓李國維

督梓

典史聊攝劉文魁

候選知縣邑人趙 璠

候補知縣邑人馬 光

邑庠諸生莊會熙

東光縣志

姓氏

十七

孫文耀

馬 文

邢天維採輯

東光縣志卷之一

建置

畫野分方立極表民自古然矣然制以時變法以勢宜聖人不能違也東光自啓服以來或隸於郡或隸於州或爲州治或開軍府或析於比隣或併於別邑雖附屬靡常分合互異要之時勢所趨惟變通以宜民耳爰稽史書証以雜記詳著沿革使來者有考焉

唐 古高陽氏創制九有猶冀州地

東光縣志

卷之一

虞 瀛國地

夏 冀宛之地

商 奄有九州制如禹

周 冀州分野

春秋 河間爲晉東陽地

戰國 燕齊趙三國之境西屬趙北屬燕南屬齊

秦 鉅鹿郡屬地

漢 東光縣高帝置屬渤海郡

晉 東光縣屬渤海郡

北魏 東光縣屬渤海郡

隋 東光縣屬平原郡

唐 東光縣武德四年復置觀州治弓高貞觀十七年屬滄州改屬景州天寶元年改爲臨津縣天祐五年移景州治於東光

五代 唐晉漢仍景州 周顯德二年廢景州爲定遠軍又廢弓高縣入東光縣爲定遠軍治所

宋 東光縣屬永靜軍

東光縣志

卷之一

二

金 東光縣改爲觀州避章帝諱也

元 東光縣至元二年復爲景州

明 東光縣仍隸河間府

皇清因之

邑宦郭興治辨三國之境說附

東陽國名左傳晉荀吳伐東陽是時東陽已屬於晉其爲郡自秦始皇戰國時趙割河間以事秦又樂毅摧三晉於觀津後奔趙封於觀津是邑本趙地與燕無涉其於齊則或以其常屬渤海云

星野

自保章氏九州星土之說不傳而後之談星者何紛紛也左氏失之誕天官以下失之拘而况眇焉一邑何與於全次何當乎專宿而必泥於星野惟是邑宰上應列宿地雖狹福固不能出於象緯之外也是故飭身正事彌災致祥端有賴於良牧云禹貢冀州之域星分尾箕

春秋元命苞曰昴畢散爲冀分爲趙

史記昴畢冀州

東光縣志

卷之一

三


前漢地理志趙地昴畢之分野

晉天文志渤海入箕一度

新唐書滄景德爲元枵分

宋史天市東垣南十星曰趙西垣南十星曰河間璣曰天文星曆知之甚難東邑所屬之宿愚不敢孰爲孰是但按景志云河間之占箕尾自連河北地景居河間極南箕尾之說非是大都天之一度在地方圓合二百五十里河間入畢十度郡之分野卽縣之分野東光杪餘之地應在十度內故將

畢星圖訶附於左



東光縣志

卷之一

四

畢宿諸星步天訶

畢恰似爪叉八星出附耳畢股一星光天街街一作衙

兩星畢背旁天節耳下八鳥幢畢上橫列六諸王

王下四皂天高星節下團圓九州城畢口斜對五

車口車有三柱任縱橫車中五個天潢精潢畔咸

池三黑星天關一星車脚邊參旗九個參車間旗

下直建九旂連旂下十三鳥天園九旂天園參脚

邊

機祥

古昔巫咸甘石究測天曜之旨得矣天曜動者凡
七日月五星是已運行於天自有常度而或有變
逆者其故可攷也日月有薄蝕星有合散雷雨風
雲有迅有暴有祲有變怪此皆陰陽之精本諸地
發諸天而其致由於人夫天地人之氣一也氣和
於人則天地之和氣應之氣鑿於人則天地之鑿
氣應之是故忠臣被逮六月飛霜孝婦含冤三年
不雨善言出而熒惑徒賢人聚而德星見此皆昭

東光縣志

卷之一

五

然不誣者穹曜昭垂道在知儆而可泄泄視之耶
慎於天人之際者當知所兢惕矣

漢成帝鴻嘉四年秋渤海河溢

漢元帝元初六年四月渤海大風拔樹三萬餘株

唐開元四年景州水中見龍三頭後六日有風自

龍見處西南來飛屋拔木半日晝晦

唐開成三年蝗食草木葉皆盡

開成八年滄景大水害稼及民廬舍

周恭帝時滄瀛大水千里無烟火

宋太平興國六年景州大雨電雷震死人咨甚衆
淳化元年滄州等州旱帝蔬食祈雨

熙寧元年八月地震

金貞祐四年河北大饑人相食觀滄等州斗米銀
十餘兩

元至元十九年蝗食苗稼草木葉俱盡民捕蝗以
食曝乾積之又盡則人相食

元貞七年德景大水壞田四千六百餘頃
至大二年河間滄州十八處蝗

東光縣志

卷之一

六

泰定元年景滄等州旱免其田租

至順二年景獻等八州俱虫食桑爲災

四年七月景州蓀縣等縣雨雹害稼

明正統間太蝗

景泰間大饑疫殍夫枕野

天順八年野蚕成繭禾稻生有九穗者

成化六年夏潦秋旱

二十二年有年夜雨晝晴

正德八年夏青有妖白色中傷人出血人驚駭夜

衆擊金鐵之聲達旦後遇雨而滅

十四年大疫

嘉靖二年春風沙無麥

三年夏旱蝗秋大水

五年春地震

十二年十月星隕如雨

三十二年春旱大饑

三十九年大旱居民流移山東等處就食

四十年春大饑人相食疫死者甚衆

東光縣志

卷之一

七

四十二年大風沙拔樹折屋

四十五年五月雨雹大如雞鶩卵屋瓦皆碎禾

稼盡傷

萬曆元年有年

十一年蝗

十六年八月河決魏家口壞民廬舍

二十七年螟虫食苗盡民剝樹皮掘草根食之

野多餓莩棄食乳子女於路甚衆

二十八年民大饑疫歿無算

三十二年大雨霖潦高下盡沒自泊鎮道中上船遶瀛入京

三十四年蝗蝻滿地食苗殆盡

三十九年河決夏口闔縣修築費銀捌千餘兩四十三年春夏大旱七月半始雨皆搶糧而食四十五年禾大收斗粟值小錢拾玖文

天啓四年三月初二地大震物皆動搖

五年三月夜地大震物皆動犬驚皆吠至夏飛蝗蔽天

東光縣志

卷之一

八

崇禎元年二月夜大風拔木雨內聞龍叫數聲

四年大雨異常高下盡潦

七年旱蝗

八年春雨土三日屋瓦皆飛

十三年旱蝗斗米價銀兩餘人相食隻身不敢路行

十四年春大饑或至父子夫婦相食秋稍熟

十七年正月二十四日夜星入月中及三月十九日闖寇李自成牌到縣令蘇公于令到任七

日棄城去縣大亂至

國朝李公持到任四境始安

皇清

順治四年七月內飛蝗蔽日樹木墜折

五年土寇猖獗

六年夜城頭兵器火光皆寸餘

十二年霪雨高下皆沒禾苗盡傷蠲國課十分

之三

十四年大水

東光縣志

卷之一

九

康熙四年自春至夏無雨禾苗盡稿蠲國課十分

之二

五年大水種黍無遺蠲國課十分之二

七年六月十七夜地大震房屋倒壞

十四年大荒

十五年有年

十八年七月二十八己時地震異常旱蝗

十九年春斗米銀叁錢餘

二十二年十月五日午後地震

二十八年旱蝗蝻遍地

赦未完錢糧併次年春夏錢糧復山帑金遣官賑濟邑令白公亦捐俸煮賑

三十年旱

赦河西錢糧十分之三河東十分之二邑令白公復捐俸施粥活萬餘人自十一月起至明春三月止

封界

先王辨方正位體國經野於是始建邦國而正封域封域正則界限明而田賦可定也察機運謀乘勢備制政實先之化暨而亡攜威行而亡侮防固而亡隙斯守土者之責也書曰申畫郊圻慎固封守旨哉

縣在河間府之東南一百六十里

東西廣九十里

南北袤六十里

東光縣志

卷之一

十一

東南至寧津縣六十里

東北至鹽山縣一百三十里

西南至景州六十里

西至阜城縣六十里

南至吳橋縣七十里

西北至交河縣五十里

北至南皮縣四十里